

Lelaki cederakan adik kandung dipenjara seminggu

MIRI: Seorang lelaki dijatuhi hukuman penjara seminggu oleh Mahkamah Majistret di sini, semalam atas kesalahan mencederakan adik kandungnya.

Majistret Randu Rangen membuat keputusan itu selepas tertuduh, Mohammad Iqhuwan Mat, 42, dari Piasau Jaya Fasa 2 di sini, mengaku bersalah atas tuduhan yang dibacakan terhadapnya mengikut Seksyen 323 Kanun Keseksan dan dibaca

bersama Seksyen 326A kanun yang sama.

Seksyen 323 memperuntukkan hukuman penjara hingga setahun atau denda sehingga RM2,000 atau kedua-duanya sekali.

Manakala Seksyen 326A boleh membawa hukuman penjara dua kali ganda tempoh maksimum (penjara) yang diperuntukkan di bawah Seksyen 323, jika sabit kesalahan.

Menurut keterangan kes, tertuduh didapati dengan sengaja telah menyebabkan cedera ke atas adik kandungnya yang berusia 30 tahun.

Dia didakwa melakukan kesalahan itu pada jam 5.30 petang, 25 Februari lalu di rumah keluarganya di Piasau Jaya Fasa 2 di sini.

Pendakwaan dilakukan Inspektor Mudzilawati Abdul Rahman.